

дї. Глаголю вамъ, іакъ сніде сѣй ѡправданъ въ домъ свой паче онагъ: іакъ всѣкъ возносіиса, смиритса: смирай же себѣ, вознесѣтса.

еї. Приношахъ же къ немъ и младѣнцы, да ихъ коснетса: видѣвше же оучицы запретіша имъ.

еі. Іисъ же призвавъ ихъ, глагола: ѡставите дѣтѣй приходити ко мнѣ, и не браните имъ: таковыхъ бо єсть црѣтвіе Бжїе.

зї. Аминь бо глаголю вамъ: иже аще не прїиметъ црѣтвіа Бжїа, іакъ отроча, не имать внити въ нѣ.

иі. И вопроси єго нѣкій князь, глагола: Оучтлю блгій, что сотворивъ животъ вѣчный наслѣдствію;

дї. Речѣ же ємъ Іисъ: что ма глаголеши блга; никтоже блгъ, токму єдинъ Бгъ.

к. Заповѣди вѣси: не прелюбы твори: не оубій: не оукради: не лжесвидѣтельствуй: чти оца твоего и мать твою.

ка. Онъ же речѣ: всѣ сіа сохранихъ ѡ юности моеа.

кв. Слышавъ же сіа Іисъ речѣ ємъ: єще єдинагъ не докончалъ єси: всѣ, єлика имаши, продаждь, и раздай нищымъ, и имѣти имаши сокровище на нѣси: и гряди во слѣдъ менѣ.

кг. Онъ же слышавъ сіє, прискорбенъ бысть: бѣ бо богатъ сѣмъ.

кд. Видѣвъ же єго Іисъ прискорбена бывша, речѣ: какъ не оудобъ имѣшии богатство въ црѣтвіе Бжїе внидѣтъ.

ке. Оудобѣе бо єсть вельбѣдъ сквозѣ иглинѣ оушы проити, неже богатъ въ црѣтвіе Бжїе внити.

кз. Рѣша же слышавшии: то кто можетъ спасенъ быти;

кз. Онъ же речѣ: невозможнаа оу человекъ возможна сѣтъ оу Бга.

ки. Речѣ же Петръ: сѣ мы ѡставихомъ всѣ, и по тебѣ идохомъ.